



Ysgol Dyffryn Taf Prospectws 2011 -12





Ysgol Dyffryn Taf

Heol y Gogledd, Hendy-gwyn ar Daf, SA34 0BD
Tel: 01994 242100 Fax/Ffacs: 01994 240929

Website/Gwefan: www.dyffryntaf.org.uk
e-mail address / Cyfeiriad e-bost: office@dyffryntaf.org.uk

Neges gan y Prifathro

Mae'n bleser gennyf gyflwyno Prosbectws Ysgol Dyffryn Taf.

Mae Dyffryn Taf yn Ysgol Gyfun gymysg 11-18 lwyddiannus. Mae'n cynnig ystod lawn o gyfleoedd ar gyfer datblygiad personol ac academaidd o fewn lleoliad ffurfiol. Ceisiwn hybu agweddau gorau addysg draddodiadol, gyda phwyslais ar ddysgu, gwaith caled, ymddygiad da a pharch tuag at yr hunan ac eraill. At hyn, ychwanegir cwricwlwm sy'n datblygu'r wybodaeth, y sgiliau a'r ddealltwriaeth sydd eu hangen ar fyfyrwyr sy'n byw mewn cymdeithas sy'n gynyddol gymhleth a thechnolegol.

Mae llwyddiant academaidd yn ganolog i'r hyn a wnawn. Golyga hyn bod pob myfyriwr yn cael ei annog a'i gefnogi i roi o'i orau ac i wireddu ei botensial. Llwyddir i wneud hynny pan fo'r cysylltiad rhwng y cartref a'r ysgol yn gryf. Gwerthfawrogwn ddeialog gyda rhieni ac ni chyfyngir sgysiau o'r math i nosweithiau rhieni ffurfiol.

Pwysleisiwn bwysigrwydd datblygu nodweddion personol yn ogystal ag ennill cymwysterau. Mae llawer o gyfleoedd i ddefnyddio ac i ddatblygu talentau eraill. Mae'r ystod eang o glybiau, gweithgareddau a theithiau, lleol a thramor, yn ychwanegiadau amrywiol a drudfawr i'r cwricwlwm ffurfiol.

Mae gennym ddisgwyliadau uchel ar gyfer pob disgybl a ddaw i'r Ysgol. Gyda staff, myfyrwyr, rhieni, Llywodraethwyr a'r gymuned ehangach yn cydweithio, gwyddom y gallwn ni gyrraedd ein nod.

Mr D R Newsome OBE
PRIFATHRO



Dyffryn Taf

Ysgol Gyfun gymysg 11-18 yw Dyffryn Taf, wedi'i lleoli yn nhref wledig Hendy-gwyn ar Daf, tua hanner ffordd rhwng Hwlfordd a Chaerfyrddin, ac wedi'i chynnal gan Gyngor Sir Caerfyrddin. Agorwyd yr Ysgol fel Ysgol Gyfun ym 1989, gyda llawer o adeiladau newydd, ac mae llawer o adnewyddu wedi digwydd yn ystod y blynyddoedd diwethaf. Mae 984 o ddisgyblion, gyda 183 yn y Chweched Dosbarth.

Rydym am i Ddyffryn Taf fod yn ysgol sy'n ennyn edmygedd a pharch y Gymuned a hyderwn y bydd rhieni yn ein cefnogi wrth inni ymdrechu i gyrraedd y nod hwn.

Tymhorau a Gwyliau Ysgol 2011-2012

Tymor yr Hydref (2011)

Dydd Llun, 5ed Medi – Dydd Iau, 22ain Rhagfyr
Gwyliau Hanner Tymor: Dydd Llun, 24ain Hydref –
Dydd Gwener, 28ain Hydref

Tymor y Gwanwyn (2012)

Dydd Llun, 9fed Ionawr – Dydd Gwener, 30ain Mawrth
Gwyliau Hanner Tymor: Dydd Llun, 13eg Chwefror –
Dydd Gwener, 17eg Chwefror

Tymor yr Haf (2012)

Dydd Mawrth, 17eg Ebrill – Dydd Gwener,
20fed Gorffennaf
Gwyliau Hanner Tymor: Dydd Llun, 4ydd Mehefin –
Dydd Gwener, 8fed Mehefin

Nodau'r Ysgol


Nod yr Ysgol yw ymestyn pob disgybl i'w lawn botensial, yn ddeallusol, yn academiaidd, yn ysbrydol, yn gorfforol ac yn gymdeithasol. Dyma'r ystyriaeth ganolog a'r cymhelliad sydd wrth wraidd pob un o bolisiau'r ysgol. Ymfalchiwn yn y modd yr ydym yn creu awyrgylch acethos gofalgaf, ble mae pob disgybl yn cael ei barchu. Ceisiwn roi dealltwriaeth i ddisgyblion o dreftadaeth a diwylliant Cymru a'u paratoi ar gyfer bywyd mewn cymuned ddwyieithog. Rydyn ni'n mynnu safonau a disgwyliadau uchel ym mhob peth y bydd staff a disgyblion yn ei wneud.

Y Diwrnod Ysgol

Cofrestru	8.45 – 8.50
Gwasanaeth	8.50 – 9.05
Gwers 1	9.05 – 10.05
Egwyl	10.05 – 10.20
Gwers 2	10.20 – 11.20
Gwers 3	11.20 – 12.20
Cinio	12.20 – 1.20
Gwers 4	1.20 – 2.25
Gwers 5	2.25 – 3.25

Mae rhestr o Lywodraethwyr a rhestr o Staff ar gael ar Wefan yr Ysgol.





▲ **Ysgolion Cynradd sy'n ein bwydo (Swyddogol)**

Beca, Bro Brynach, Brynconin, Griffith Jones, Hafodwenog, Talacharn, Llanmilo, Maenclochog, Meidrim, Arberth, Tafarnspeit, Tredeml, Tremolet, Henty-gwyn ar Daf.

▲ **Ysgolion Cynradd eraill sy'n ein bwydo (Dewis Rhieni)**

St. Aidan's, St. Oswalds, Saundersfoot, Stepside, Abernant, Ysgol Clydau, Ysgol y Frenni

Pontio

Mae gan Ddyffryn Taf bolisi mynediad agored i unrhyw ddisgybl 11+ oed sy'n byw o fewn dalgylch yr Ysgol. Mae'r dalgylch yn eang (dros 400 milltir sgwâr) ac yn amrywiol o ran cymeriad. Mae cymaint â 14 o ysgolion cynradd yn ein bwydo, rhai yn anfon nifer fawr o ddisgyblion, eraill, oherwydd eu maint, yn anfon dim ond un neu ddau. Un o'n tasgau yw darparu ar gyfer ystod eang o ddewisiadau ieithyddol. Ym mis Medi 2010, derbyniwyd 181 o ddisgyblion, gyda dau o'r saith dosbarth mynediad wedi'u dynodi yn ddosbarthiadau cyfrwng Cymraeg. Os byddwch yn dod i fyw i'r ardal, ac os ydych yn bwriadu i'ch plentyn fynychu'r Ysgol, dylech drefnu apwyntiad i weld y Pennaeth Ysgol perthnasol.

Yn Nyffryn Taf rydym yn hyrwyddo cysylltiadau agos â'r Ysgolion Cynradd sy'n ein bwydo ac yn ceisio creu teimlad o 'berthyn' o'r dechrau'n deg gan drefnu ystod o weithgareddau trwy gydol y flwyddyn ar gyfer disgyblion Blwyddyn 6.

Hydref	Gweithgarwch Addysg Gorfforol / Chwaraeon
Hydref	Noson Agored Dyffryn Taf
Rhagfyr	Sioe Ysgol Dyffryn Taf

Ebrill	Ffair Mathemateg
Mai	Noson Rhieni Newydd
Mehefin/ Gorffennaf	Sesiynau Llyfrgell ar gyfer Gweithgareddau Llythrennedd
Gorffennaf	Diwrnod Blwyddyn 5
Gorffennaf	Diwrnod Blwyddyn 6
Gorffennaf	Diwrnod Technoleg Blwyddyn 6
Gorffennaf	Gweithgareddau Adeiladu Tîm Blwyddyn 6

Cludiant

Darperir cludiant am ddim i bob disgybl o fewn y dalgylch. Dylai rhieni gysylltu â Chyngor Sir Caerfyrddin neu â Chyngor Sir Penfro fel sy'n briodol. Yn ystod tywydd garw derbynnir cyngor gan y Cwmnïau Bysiau sy'n gyfrifol am gludo disgyblion yn ddiogel. Darlledir trefniadau manwl ar y gorsafoedd radio lleol – Radio Sir Benfro 102.5FM neu Radio Sir Gâr 97.1FM. Bydd gwybodaeth hefyd ar gael ar www.carmarthenshire.gov.uk ac ar Wefan yr Ysgol. Y nod o hyd fydd ail agor yr Ysgol mor fuan ag sy'n bosibl.

Gofal Bugeiliol

Pan fyddant yn dechrau mynychu'r Ysgol bydd disgyblion yn cael eu gosod mewn grŵp tiwtor gallu cymysg dan ofal Tiwtor Dosbarth. Un o amcanion clir yr Ysgol yw darparu awyrgylch gynnes a gofalgar. Bydd Tiwtoriaid Dosbarth yn datblygu cysylltiadau agos â'u disgyblion, ac yn eu tro yn cysylltu â Phenaeithiaid Ysgol a'u Dirprwyon. Mae Rhaglen Sefydlu ar gael fel paratoad ar gyfer disgyblion Blwyddyn 7 ac mae System Fentora yn ei lle fel bo disgyblion yn derbyn cefnogaeth gan eu cyfoedion. Mae'r Ysgol hefyd yn gweithredu Cynllun Tai a Chynllun Marciau Teilyngdod, sydd wedi hen ennill ei blwyf yn yr Ysgol, i wobrwyo cyflawniad disgyblion.

Mae Gwasanaeth Cwnsela yn yr ysgol sy'n cyd-fynd â gwaith y staff bugeiliol. Mae hwn yn cynnig cymorth personol ychwanegol i fyfyrwyr a fyddai'n elwa o'r cyfle i gydweithio â Chwnselydd proffesiynol.

Gwybodaeth Feddygol

Os bydd disgybl yn sâl yn ystod y diwrnod ysgol fe gysylltir â'r rhieni neu'r person cyswllt mewn argyfwng.

Os bydd angen i ddisgyblion gymryd meddyginiaeth yn yr Ysgol, yna rhaid i rieni lenwi 'Ffurflen Gais i Roi Meddyginiaeth'. Ystyrir pob cais yn unigol.

Cyn belled ag sy'n bosibl, dylai rhieni wneud pob ymdrech i drefnu apwyntiadau meddygol y tu allan i oriau'r ysgol.

O bryd i'w gilydd, bydd yr Awdurdod Iechyd yn trefnu archwiliadau meddygol a brechiadau yn yr Ysgol. Bydd rhieni yn cael eu hysbysu ynglŷn â'r trefniadau hyn.

Cyfle Cyfartal

Mae'r Ysgol yn gweithredu Polisi Cyfle Cyfartal sy'n cynnig cyfle cyfartal i bawb beth bynnag fo'u rhyw, cenedligrwydd, lliw, iaith, gallu, crefydd neu anabled. Mae hyn yn cynnwys disgyblion sydd ag anghenion dysgu arbennig, yn amrywio o lefelau academiaidd isel i uchel, anabled corfforol, anghenion seicolegol, cefndiroedd cymdeithasol, anawsterau dysgu penodol ac ymddygiad gwrthgymdeithasol. Ni chafodd yr Ysgol ei hadeiladu'n bwrpasol ar gyfer myfyrwyr sydd ag anabledau corfforol ond mae gwaith sylweddol eisoes wedi'i gwblhau i addasu amgylchedd yr ysgol trwy ddarparu lifftiau a rampiau a thrwy addasu'r toiledau i wella mynediad. Mae copiau o'r Polisi Cyfle Cyfartal, y Polisi Anghenion Dysgu Ychwanegol a'r Polisi Mynediad ar gael trwy gysylltu â'r Ysgol.



Ethos a Gwerthoedd yr Ysgol

Ein nod yw cyflawni potensial llawn pob disgybl mewn amgylchedd cefnogol a gofalgar. Mae'r ysgol yn sicrhau pwysigrwydd a gwerth cyfartal i bob disgybl. Anogir disgyblion i ddatblygu ymddiriedaeth a dealltwriaeth ac i ddatblygu ymwybyddiaeth foesol o'u cyfrifoldebau.

Mae ethos yr Ysgol, sydd wedi'i drwytho â dwyieithrwydd, yn manteisio i'r eithaf ar iaith a diwylliant Cymru a thraddodiadau cefn gwlad Sir Gaerfyrddin. Dyma ddiwylliant sy'n cael effaith sylweddol ar bob disgybl sy'n mynychu'r Ysgol ac sy'n creu ymdeimlad o falchder ac o berthyn ym mhob un ohonom.

Cytundeb Cartref-Ysgol

Mae'r Ysgol am i rieni fod yn ymwybodol o'n Cytundeb Cartref-Ysgol sy'n diffinio cyfrifoldebau'r Myfyrwyr, y Rhieni a'r Ysgol. Mae hwn ar gael yn y Cynllunydd Personol. Mae'r adran 'Rheolau Teg' ar ddechrau'r Cynllunydd yn nodi'r hyn a ddisgwylir gan y disgyblion ac yn tynnu sylw at gyfrifoldeb rhieni. Dyma gyfle i rieni chwarae rhan weithredol yn addysg eu plant.

Cyfathrebu â Rhieni

Anogir rhieni i gysylltu â'r Ysgol ynglŷn ag unrhyw fater sy'n ymwneud â chynnydd eu plentyn.

Dosberthir Calendr Ysgol i rieni bob tymor sy'n tynnu sylw at ddigwyddiadau pwysig. Mae'r rhain yn cynnwys:-

Noson Agored flynyddol pan wahoddir rhieni a phlant i fwrw golwg ar waith yr Adranau – Hydref);

Noson Opsiynau Blwyddyn 9/10 a Blwyddyn 11/12 – Ionawr

Noson Rieni ar gyfer pob Grŵp Blwyddyn –
Blwyddyn 11 – Tachwedd: Blwyddyn 12
– Tachwedd: Blwyddyn 13 – Tachwedd: Blwyddyn 9
– Ionawr: Blwyddyn 7 – Chwefror: Blwyddyn 10
– Chwefror: Blwyddyn 8 – Mawrth.

Mae gwefan yr Ysgol (www.dyffryntaf.org.uk) yn hyrwyddo'r Ysgol y tu hwnt i'r gymuned leol.

Presenoldeb

Ystyrir bod presenoldeb rheolaidd yn bwysig iawn yn Nyffryn Taf. Hebddo, ofer bydd ein holl ymdrechion i ddarparu addysg o safon uchel; os nad yw plentyn yn bresennol yn yr ysgol ni all ddsygu na chyrraedd ei wir botensial. Ein nod yw cael y graddau presenoldeb uchaf posibl ar gyfer ein disgyblion. Am y rhesymau hynny, rydym yn annog rhieni i beidio â threfnu gwyliau yn ystod tymor yr ysgol. (Mae'r Gorchymyn Statudol yn caniatáu hyd at 10 diwrnod o wyliau i rieni yn ystod y flwyddyn academaidd. Bydd rhaid i Bennaeth yr Ysgol awdurdodi absenoldebau o'r fath ymlaen llaw ac ni roddir awdurdod o'r fath oni bai bod presenoldeb y disgybl yn foddhaol ar y cyfan.)

Bydd rhesymau cyfiawn a dilys ar adegau, wrth gwrs, pam na all plant fynychu'r ysgol, ond mae gennym systemau yn eu lle i fonitro ac ymchwilio i absenoldebau ar draws yr Ysgol.

Ni chaniateir i ddisgyblion adael safle'r Ysgol ar unrhyw adeg yn ystod y dydd heb nodyn dyddiedig oddi wrth y rhieni yn nodi'r rhesymau a chymeradwyaeth Uwch Aelod o Staff. Os yw disgybl yn absennol o'r Ysgol, dylai'r rhieni ffonio'r Ysgol ar y diwrnod cyntaf mae'n absennol gyda rheswm dilys. Pan fydd y disgybl yn dychwelyd i'r ysgol, dylai'r rhiant ysgrifennu nodyn o eglurhad yn y Cynllunydd Personol. Hyd nes bo'r Ysgol yn derbyn nodyn oddi wrth y rhieni/gwarcheidwaid, bydd absenoldeb y plentyn yn parhau yn absenoldeb heb awdurdod.



Cwricwlwm

Mae ystod eang o strategaethau yn gymorth i ddisgyblion ddatblygu yn ddysgwyr annibynnol a myfyriol. Ein nod yw darparu cwricwlwm eang, cytbwys, perthnasol a heriol er mwyn paratoi disgyblion ar gyfer cyfleoedd, cyfrifoldebau a phrofiadau bywyd oedolyn, gyda chyfleoedd i bob un brofi llwyddiant. Mae ein cwricwlwm yn canolbwyntio ar anghenion pob unigolyn. Dysgir y rhan fwyaf o wersi mewn dosbarthiadau gallu cymysg ond pan fo modd ateb anghenion unigol yn well trwy setio disgyblion mewn rhai pynciau, yna defnyddir y dull hwnnw.

Cyfnod Allweddol 3

Mae pob disgybl yn dilyn cwricwlwm eang yn ôl gofynion cenedlaethol, a phynciau'n cael eu cyflwyno trwy ddefnyddio dull sy'n canolbwyntio ar sgiliau. Mae'r disgyblion yn astudio'r pynciau craidd, sef Saesneg, Mathemateg, Gwyddoniaeth a Chymraeg, a'r pynciau sylfaenol canlynol:- Celf, Dylunio a Thechnoleg, Drama, Ffrangeg, Daearyddiaeth, Hanes, Technoleg Gwybodaeth, Cerddoriaeth, Addysg Gorfforol, Astudiaethau Crefyddol ac Addysg Bersonol a Chymdeithasol. Mae disgyblion y dosbarthiadau cyfrwng Cymraeg yn astudio Drama, Daearyddiaeth, Hanes, Astudiaethau Crefyddol ac ABCh trwy gyfrwng y Gymraeg. Saesneg fydd cyfrwng addysgu'r pynciau eraill er y gwneir defnydd anffurfiol o'r Gymraeg pan fo hynny'n bosibl.

Cyfnod Allweddol 4

Mae disgyblion yn astudio'r pynciau craidd, sef Saesneg, Mathemateg, Gwyddoniaeth a Chymraeg. Wedi ymgynghori â'u rhieni a staff, bydd disgyblion yn ychwanegu pedwar pwnc arall allan o'r pynciau sylfaenol a astudiwyd yng Nghyfnod Allweddol 3,

gan gynnwys rhai pynciau galwedigaethol megis Astudiaethau Busnes a BTEC mewn Amaethyddiaeth, Lletygarwch, Gwasanaethau Salon a Gofal Ceffylau. Mae rhai dosbarthiadau TGAU ar gael trwy gyfrwng y Gymraeg pan fo'r rhifau yn gwneud hynny'n ddewis ymarferol.

Mae'r rhan fwyaf o ddisgyblion yn astudio ar gyfer Tystysgrif Gyffredinol Addysg Uwchradd, BTEC Lefel 1 neu 2 neu'r Dystysgrif Lefel Mynediad. Rydyn ni'n darparu cysylltiadau gyda Sefydliadau Addysg Bellach ac Addysg Uwch, ac yn cydweithio â Sefydliadau Addysg Bellach er mwyn cyflwyno cyrsiau. Mae gwybodaeth bellach ar gael yn Llyfryn Opsiynau Blwyddyn 10.

Bydd disgyblion yn derbyn Tystysgrifau Arholiadau Allanol mewn Noson Wobrwyo arbennig yn Nhyrnor y Gwanwyn. Bydd disgyblion sy'n methu â bod yn bresennol yn gallu casglu eu tystysgrifau o'r Ysgol wedi'r dyddiad hwn.

Cyfnod Allweddol 5

Mae Dyffryn Taf yn cynnig cwricwlwm amrywiol sy'n caniatáu i unigolion ddatblygu'r llwybr dysgu mwyaf addas. Mae'r Ysgol yn gweithredu polisi mynediad agored i'r Chweched Dosbarth ond bydd angen o leiaf pedwar gradd C TGAU neu well er mwyn cael mynediad i rai cyrsiau, a'r rheini o bosib yn cynnwys gradd C mewn Saesneg a Mathemateg TGAU. Gall disgyblion ddewis astudio lefelau A traddodiadol, cyrsiau galwedigaethol BTEC neu gyfuniad o'r ddau. Yn ychwanegol at hynny, bydd disgyblion yn cael eu paratoi gogyfer â Chymhwyster Bagloriaeth Cymru ar Safon Uwch. Mae'r cwrs wedi profi'n llwyddiant o ran cymell myfyrwyr a rhoi iddynt y sgiliau ar gyfer astudio pellach a chyflogaeth. Mae gwybodaeth bellach ar gael o Lyfryn Chweched Dosbarth Dyffryn Taf.



Polisi Gwaith Cartref

Gosodir gwaith cartref i ddisgyblion yn rheolaidd, yn ôl polisi'r ysgol a pholisiau Adrannau unigol. Bydd pob disgybl yn derbyn Cynllunydd Personol ac ynddo dylent gofnodi manylion ynglŷn â phob gwaith cartref a osodir. Mae hwn yn offeryn pwysig o ran cynnal cyswllt rhwng y cartref a'r ysgol ac mae'n rhoi cyfle parhaus ar gyfer deialog a monitro cynnydd. Gofynnir i rieni lofnodi'r Cynllunydd unwaith yr wythnos. Bydd y Tiwtor Dosbarth yn gwirio'r Cynllunydd yn rheolaidd.

Polisi Codi Tâl

Ni chodir tâl am ddarparu'r cwricwlwm sylfaenol. Serch hynny, gellir gofyn am daliadau gwirfoddol am ymweliadau nad ydynt yn rhan o'r cwricwlwm, pris unrhyw wrthrychau a wneir yn yr ysgol ond y bydd y disgyblion yn mynd â hwy adref i'w defnyddio neu i'w bwyta, a rhai gweithgareddau all-gyrsiol. Yn y pen draw, y gefnogaeth a geir drwy gyfraniadau rhieni fydd yn penderfynu a yw gweithgaredd yn ymarferol bosibl. Rhaid i ddisgyblion dalu am unrhyw ddifrod a achosir yn fwiadol neu drwy esgeulustod i eiddo'r ysgol, ac am unrhyw arholiadau y byddant yn eu hail-sefyll.

Addysg Gyrfaoedd


Mae disgyblion yn derbyn gwersi Gyrfaoedd a gweithgareddau yn ymwneud â Byd Gwaith o

Flwyddyn 8 – 13. Mae'r rhain yn cynnwys gwersi ABCh, Diwrnodau Gyrfaoedd, Tregwaith, Let's Go to Work a Dosbarthiadau Meistr, pan fo'r cwricwlwm traddodiadol yn cael ei atal. Mae disgyblion Blwyddyn 10–13 yn cael y cyfle i dderbyn cyngor annibynnol gan y Swyddog Gyrfaoedd a pharatoi Cynllun Gweithredu Gyrfaol. Bydd y ddogfen hon yn nodi diddordebau, sgiliau a photensial ac yn nodi a blaenoriaethu dewisiadau gyrfaol a sut i'w cyflawni. Yn olaf bydd y disgyblion yn derbyn cymorth i ddarganfod a chadw lle priodol mewn addysg, hyfforddiant neu gyflogaeth.

Mae gan ddisgyblion Dyffryn Taf hawl i gael mynediad i wybodaeth gynhwysfawr, gywir a diweddar ynglŷn â:

- Galwedigaethau, gan gynnwys eu gofynion o ran addysg a hyfforddiant.
- Y farchnad lafur ar lefel leol, cenedlaethol a rhyngwladol.
- Cyfleoedd addysg, hyfforddi a chyflogaeth ar lefel leol, cenedlaethol a rhyngwladol.
- Dulliau o chwilio am waith.
- Bod yn hunan gyflogedig.
- Ffynonellau ariannu ar gyfer addysg, hyfforddiant a chyflogaeth.

Mae holl ddisgyblion Blwyddyn 10 a Blwyddyn 12 yn cael eu lleoli ar gyfer cyfnod o Brofiad Gwaith a datblygwyd cysylltiadau cryf â busnesau a chyflogwyr lleol.



Anghenion Dysgu Ychwanegol

Nodir Anghenion Dysgu Ychwanegol (ADY) trwy gydweithio'n agos gydag Ysgolion Cynradd a thrwy gynnal profion safonol ar fynediad i'r ysgol uwchradd. Mae'r Adran Cymorth Dysgu yn cyd-fynd ag athroniaeth yr ysgol o addysgu gallu cymysg ac o integreiddio disgyblion ag ADY trwy ddarparu cymorth yn y dosbarth mewn cwricwlwm eang, cytbwys a pherthnasol. Mae'r Senco yn gyfrifol am fonitro, cynllunio a chydlynu anghenion unigol pob disgybl a bydd eu cynnydd yn cael ei adolygu yn rheolaidd. Mewn rhai achosion, lle mae problemau yn ddifrifol neu'n dymor-hir, darperir Datganiad o Anghenion ffurfiol gan yr Awdurdod Addysg Lleol. Bydd yr asesiad hwn yn cynnwys yr Ysgol, Rhieni ac arbenigwyr eraill a fydd, gyda'i gilydd, yn cytuno ar ddatganiad o anghenion cyfreithlon ar gyfer pob disgybl dan sylw. Gall rhieni gael copi o Bolisi Anghenion Ychwanegol yr Ysgol trwy gysylltu â'r Ysgol.

Trefnadau ar gyfer Achwyn

Mae Trefn Achwyn yr Ysgol yn golygu bod modd ymdrin â phob cŵyn gan rieni mewn modd effeithlon a sensitif. Lle bo rhieni'n anfodlon â phenderfyniad y Prifathro ynglŷn â'r gŵyn gallant gysylltu â'r Corff Llywodraethol. Dylent ysgrifennu at y Clerc i ddechrau gan nodi'r gŵyn a darparu unrhyw ddogfennau ategol. Os bydd y materion yn dal heb eu datrys, mae gan rieni yr hawl i'w reportio i Adran Addysg Cyngor Sir Caerfyrddin. Mae dogfennau ar gael ar gais sy'n nodi trefniadaeth sy'n cynnig camau ffurfiol i'w dilyn ar gyfer delio â chwynion swyddogol.

Addysg Rhyw

Mae'r Rhaglen addysg Rhyw yn rhan annatod o'r rhaglen ABCh/lechyd ar gyfer pob disgybl. Mae'r rhaglen yn annog disgyblion i archwilio gwerthoedd a materion moesol, rhywioldeb a pherthnasoedd personol trwy ddatblygu sgiliau cyfathrebu a gwneud penderfyniadau, ac yn mynd i'r afael â phwysau'r gymdeithas, cyfoedion a'r cyfryngau. Darperir addysg rhyw yn y cwricwlwm sylfaenol ar gyfer pob disgybl lle mae disgyblion yn cael eu hannog a'u harwain gan egwyddorion moesol ac yn cael eu haddysgu i adnabod gwerth bywyd teuluol. Mae staff Awdurdod lechyd Sir Caerfyrddin ac asiantaethau allanol eraill yn cynorthwyo gyda'r Rhaglen Addysg Rhyw. Yn unol â'r gyfraith, mae agweddau biolegol atgenhedlu dynol yn dal i fod yn orfodol ar gyfer pob disgybl ond mae gan rieni hawl i eithrio eu plant o unrhyw ran arall

o'r Rhaglen Addysg Rhyw. Dylai unrhyw un sydd am wneud hynny anfon cais ysgrifenedig at y Prifathro. Mae datganiad llawn o Bolisi Addysg Rhyw yr Ysgol ar gael i rieni. Mae'r deunyddiau addysgu a ddefnyddir yn briodol ar gyfer anghenion ac oedran y disgyblion dan sylw.

Addysg Grefyddol

Mae Addysg Grefyddol ar gael i bob disgybl. Disgwylir i bob disgybl gymryd rhan mewn cydaddoli dyddiol. Mae rhaglen cydaddoli dyddiol yr Ysgol yn cynnwys rhai gwasanaethau 'ysgol-gyfan', gwasanaethau tai a gwasanaethau grwpiau tiwtor ac mae wedi'i seilio ar themâu crefyddol neu themâu sydd â phwyslais moesol neu ysbrydol iddynt. Pan nad yw disgyblion yn mynychu Gwasanaeth, cynhelir gweithred o addoli, sydd gan amlaf yn Cristnogol ei natur, yn yr Ystafelloedd Dosbarth. Dylai rhieni sydd am arfer eu hawl i eithrio eu plant o Addysg Grefyddol neu o'r gwasanaethau gysylltu â'r Prifathro.

Defnydd o'r Iaith Gymraeg

Mae'r Ysgol yn ysgol naturiol ddwyieithog gyda 7.5% o'r disgyblion yn siarad Cymraeg fel iaith gyntaf yn y cartref. Mae pob disgybl yn astudio Cymraeg hyd at 16 oed ar lefel sy'n briodol i allu a chefnidir ieithyddol pob unigolyn. Cyd-destun ieithyddol yr ysgol sy'n pennu iaith yr ysgol o ddydd i ddydd. Defnyddir y ddwy iaith i gyfathrebu â'r disgyblion ac yng ngweinyddiaeth yr ysgol. Mae'r ysgol yn cyfathrebu gyda'r rhieni yn y naill iaith a'r llall neu yn Saesneg.

Mae un neu ddau o ddsbarthiadau, yn dibynnu ar rifau mynediad, yn cael eu haddysgu trwy gyfrwng y Gymraeg yn y pynciau canlynol:- Cymraeg Iaith Gyntaf, Llenyddiaeth Gymraeg, Hanes, Daearyddiaeth, Addysg Grefyddol, ABCh a rhywfaint o Ddylunio a Thechnoleg a Chymorth Bugeiliol.

Yng Nghyfnod Allweddol 4, bydd y dosbarthiadau hyn yn astudio Cymraeg iaith Gyntaf, Llenyddiaeth Gymraeg, Addysg Bersonol a Chymdeithasol a Chymorth Bugeiliol trwy gyfrwng y Gymraeg. Mae'r Ysgol hefyd yn gallu cynnig rhai dosbarthiadau TGAU drwy gyfrwng y Gymraeg pan fo'r rhifau yn gwneud hynny'n ddewis ymarferol.

Ni ellir datgymhwyso plentyn o'r gwersi Cymraeg ag eithrio ar gyngor yr Ysgol ac ar argymhellad Seicolegydd Addysg. Rhaid rhoi'r cynnig gerbron Panel Datganiadau ar lefel sirol, a'r panel hwnnw fydd yn gwneud y penderfyniad terfynol.

Chwaraeon

Mae'r Ysgol o blaid cymryd ymagwedd hollistaidd tuag at weithgarwch corfforol a byw'n iach trwy ddisgyblu ffurfiol ac anffurfiol ynghyd â gweithgareddau allgyrsiol a chymunedol.

Ein nod yw:

- codi ymwybyddiaeth o fanteision ymarfer corff i iechyd;
- rhoi digon o gyfleoedd i ddisgyblion fod yn egniol i'r graddau ei fod yn gwneud cyfraniad positif i'w iechyd;
- gwneud defnydd llawn o gapasiti a hyblygrwydd y cwricwlwm i greu dealltwriaeth o sut i fyw'n iach gydol oes trwy hyrwyddo chwaraeon a gweithgarwch corfforol yn yr ysgol.

Mae gan yr Ysgol Neuadd Chwaraeon bwrpasol, Ystafell Ffitrwydd, Campfa, nifer o feysydd rygbi a pheldroed, cyrtiau tennis a phêl-rwyd a maes gra coch.

Cynhelir ystod eang o weithgareddau chwaraeon yn ystod y flwyddyn sy'n rhoi cyfleoedd i ddisgyblion gynrychioli'r Ysgol mewn ystod o ddiwyddiadau chwaraeon. Mae timau ysgol o bob oed yn cystadlu yn rheolaidd yn erbyn ysgolion uwchradd eraill yn ystod ac ar ôl ysgol a cheir cyfle i ddisgyblion gynrychioli rhanbarth Caerfyrddin, Brienne, Sir Gaerfyrddin, Dyfed

a Chymru mewn amryw weithgareddau. Mae'r rhain yn cynnwys:- Athletau: Pêl-fasged: Criced: Traws Gwlad: Dawns: Pêl-droed: Golf: Gymnasteg: Hoci: Pêl-rwyd: Rownderi: Rhwyfo: Rygbi a Thennis.

Mae cyfleoedd ar gael hefyd trwy gyfrwng Cynllun Dug Caeredin i gymryd rhan mewn Canwio, Gweithgareddau Awyr Agored, Cyfeiriannu, Cerdded ac ati.

Allgyrsiol

Mae gweithgareddau allgyrsiol yn ychwanegu at ddatblygiad plentyn yn ei gyfanrwydd. Mae Dyffryn Taf yn cynnig amrywiaeth eang o weithgareddau sy'n codi hunan-barch, ehangu profiad ac adeiladu hyder. Mae'r gweithgareddau yn cynnwys:

- Chwaraeon
- Sioeau Ysgol
- Corau
- Dawns
- Siarad Cyhoeddus
- Yr Urdd
- Clwb Y Dreigiau
- Yr Undeb Cristnogol
- Cerddorfa
- Ymweliadau Ysgol
- Gweithgareddau 5x60
- Clwb Technoleg



Asesiadau ac Arholiadau

Paratoir Arolwg Cynnydd ar gyfer disgyblion bob blwyddyn er mwyn sicrhau eu bod yn cyflawni eu potensial. Bydd pob disgybl yn derbyn graddau neu lefelau targed ym mhob pwnc, a byddwn yn monitro eu cynnydd tuag at gyflawni'r targedau hyn.

- Dosberthir Adolygiadau Interim ar gyfer Blwyddyn 7, 8, 9 a 10 ar ddiwedd Tymor y Nadolig yn nodi Lefelau Cyrhaeddiad ac Ymdrech ym mhob pwnc, ynghyd â sylw gan y Tiwtor Dosbarth.
- Dosberthir Adroddiadau Ffug Arholiadau Blwyddyn 11 yn dilyn y Ffug Arholiadau a chyn gwyliau Hanner Tymor y Gwanwyn.
- Dosberthir Adroddiadau Blwyddyn 12 a 13 cyn y Pasg.
- Dosberthir Adroddiadau Haf Blwyddyn 10 yn dilyn Arholiadau Blwyddyn 10 a chyn gwyliau Hanner Tymor yr Haf.
- Dosberthir Adroddiadau Blwyddyn 7, 8 a 9 ar ddiwedd Tymor yr Haf yn nodi Lefelau Cyrhaeddiad, Ymdrech, sylwadau Athrawon a sylw gan y Tiwtor Dosbarth.

Disgyblaeth

Disgwylir i bob un ufuddhau i gyfres o reolau ysgol. Mae'r ysgol, fel cymuned, yn gweithredu ar sail nodau trefnus, teg ac eglur. Mae'r Polisi Ymddygiad yn ceisio creu côd ymddygiad clir wedi'i gefnogi gan gyfuniad cytbwys o wobrau a chosbau o fewn awrygylch gymunedol bositif.

Mae gan bob disgybl yr **hawl** i symud o amgylch yr Ysgol heb ofn a'r **cyfrifoldeb** o ofalu bod pob un

arall yn gallu gwneud hynny hefyd. **Mae bwlio yn annerbyniol ac ni fydd yn cael ei ganiatáu.** Rhoddir ystyriaeth ddifrifol i bob cyhuddiad o fwlio a bydd y Pennaeth Ysgol perthnasol yn cael ei hysbysu ar unwaith. Hyrwyddir polisi'r ysgol ynglŷn â gwrth-fwlio mewn gwasanaethau, cyfnodau tiwtorial, y rhaglen ABCCh ac mewn rhannau eraill o'r cwricwlwm fel bo hynny'n briodol. Bydd y Grŵp Addysg Cyfoedion yn rhoi cyflwyniadau ar sgiliau ymdopi a phendrantrwydd i ddisgyblion Blwyddyn 7 ac 8 ar Ddiwrnodau Iechyd.

Pan fo angen gwneud hynny gellir cosbi disgyblion fel a ganlyn:

- Ataliad yn ystod yr Egwyl neu Amser Cinio;
- Ataliad ar ôl ysgol (Hysbysir rhieni ymlaen llaw);
- 'Ar Adroddiad' pan fo staff yn ysgrifennu sylw am y plentyn ar ddiwedd pob gwers. Bydd y Pennaeth Ysgol yn monitro'r datganiad hwn a bydd y rhieni yn ei lofnodi.
- Cardiau adrodd amser cinio.

Mae'r Ysgol yn glynu at reolau a rheoliadau'r Polisi Gwahardd a reolir gan Gynor Sir Caerfyrddin, fel a bennwyd gan Gynulliad Cenedlaethol Cymru.

Cyngor yr Ysgol

Mae Cyngor yr Ysgol, sy'n cynnwys cynrychiolwyr o bob grŵp Blwyddyn, yn cyfarfod yn rheolaidd i drafod materion o safbwynt y disgyblion. Maent yn rheoli cyllideb a bennwyd ar gyfer gwahanol glybiau a chymdeithasau'r ysgol, yn trafod materion gyda'r Prifathro, yn mynychu fforymau ledled y sir ac yn mynegi eu barn i wleidyddion a wahoddir i'r ysgol.



Diogelu Plant

Mae Dyffryn Taf yn llwyr gydnabod ei chyfraniad tuag at ddiogelu plant.

Mae tair prif elfen i bolisi'r Ysgol:

- Cynigir cefnogaeth Addysgiadol a Bugeiliol i'r disgyblion i'w galluogi i'w diogelu eu hunain ac atal cam-drin.
- Mae trefniant ar gael er mwyn adnabod a reportio unrhyw achos o gam-drin, neu achos lle bo amheuaeth o gam-drin. Oherwydd ein cyswllt dyddiol â phlant, mae staff yr ysgol mewn lle da i sylwi ar arwyddion allanol cam-drin.
- Cefnogi disgyblion a all fod wedi cael eu cam-drin.

Mae ein polisi yn berthnasol i holl staff yr Ysgol a gall unrhyw un ohonynt fod yn fan cyntaf datguddio i blentyn. Gall rhieni pryderus gysylltu â'r Ysgol i drafod materion diogelu plant.

Iechyd a Diogelwch

Mae'r Corff Llywodraethol wedi ymrwymo i sicrhau diogelwch a lles cyflogeion, disgyblion ac eraill a effeithir gan weithgareddau ar safle'r Ysgol. Cynhelir arolygon rheolaidd o'r Ysgol gan y Prifathro a Llywodraethwr sy'n gyfrifol am Iechyd a Diogelwch. Nodir unrhyw beryglon posibl a gweithredir yn ôl yr angen er mwyn sicrhau bod yr Ysgol yn amgylchedd diogel i'r plant weithio a chwarae ynddo.

O leiaf unwaith y tymor, cynhelir dril tân pan fydd y plant yn ymarfer gadael yr adeilad yn gyflym.

Er mwyn gwella diogelwch y safle mae Dyffryn Taf yn gweithredu system teledu cylch cyfyng sy'n cynnwys nifer o gamerâu sefydlog wedi'u lleoli o amgylch safle'r ysgol. Mae pob camera yn cael ei fonitro o Ystafell Reoli Ganolog ac ar gael i aelodau dethol o'r staff uwch yn unig.





Gwisg Ysgol

Mae gwisg ysgol yn orfodol ac yn cyfrannu tuag at ymddangosiad twt a thaclus. Mae hyn yn creu ymdeimlad o falchder a pherthyn ac yn hybu ymddygiad synhwyrol. Ni chaniateir siacedi na jîns denim dan unrhyw amgylchiadau. Rhaid gwisgo esgidiau cryfion i ddod i'r Ysgol ac i fynd adref ac yn ystod y dydd. Ni ddylid gwisgo 'trainers' ag eithrio yn y gwersi Addysg Gorfforol. Ni chaniateir unrhyw emwaith. Gellir gwisgo un pâr o stydiau pan fo gan ddisgyblion dyllau yn eu clustiau. Ni chaniateir unrhyw golur, na thyllu rhannau o'r corff. Ni chaniateir ffonau symudol yn yr ysgol.

	Bechgyn	Merched
Crys/Blowsen	Crys glas golau, llewys hir, cotwm/polyester Crysau gwyn neu Grys Polo Gwyn gyda Bathodyn yr Ysgol i'r Chweched Dosbarth	Blowsen las golau, llewys hir, cotwm/polyester Blowsen wen neu Grys Polo Gwyn gyda Bathodyn yr Ysgol i'r Chweched Dosbarth
Trowsus/ Sgert	Llwyd tywyll Du i'r Chweched Dosbarth	Llwyd tywyll Du i'r Chweched Dosbarth (Dylai sgertiau fod o hyd rhesymol.)
Siwmpwr	Siwmpwr gwddf V nefi gyda bathodyn yr ysgol Siwmpwr denau ddu gwddf V i'r Chweched Dosbarth	Siwmpwr gwddf V nefi gyda bathodyn yr ysgol Siwmpwr denau ddu gwddf V i'r Chweched Dosbarth
Teits/Sannau	Sannau nefi/du	Sannau byr gwyn yn yr Haf

- Disgwylir i bob disgybl wisgo cot lwyd, nefi neu lwyd a nefi (plaen heb unrhyw fotiff). Rhaid i esgidiau fod yn ddu; ni ddylai'r sodlau fod yn uwch na 5 cm.
- Ni chaniateir crysau chwys a thopiau gyda hwd.
- Disgwylir i bob disgybl wisgo tei yr ysgol a gofalu amdano. Dylid ei wisgo yn y modd cywir.
- Mae siwmpwr ysgol (gyda bathodyn) yn orfodol.
- Yn ystod Tymor yr Haf gellir gwisgo Crysau Polo nefi gyda bathodyn yr ysgol arnynt.

- Dylid rhoi enw'r perchennog yn glir ar bob dilledyn.
- Ni chaniateir steiliau gwallt na lliwiau gwallt ecsentrig. Ni chaniateir i fechgyn dyfu barf na mwstas. Dylai gwallt hir gael ei glymu yn ôl ar gyfer gwersi ymarferol.

Mae'r uchod ar gael gan: Trutex Mail Order, Claire Adams Schoolwear - Caerfyrddin/Sanclêr Evans and Wilkins, Caerfyrddin

Cit Chwaraeon

Bechgyn	Merched
Crys Rygbi cildroadwy– Nefi/Nefi gyda band glas golau	Crys Polo math-Aertex glas golau gyda Bathodyn yr Ysgol
Shorts Rygbi Nefi a/neu Shorts Addysg Gorfforol Nefi	Sgert Pel-rwyd Nefi/Skort/ Shorts Nefi Plaen
Sannau Chwaraeon Ysgol – Nefi gyda thop glas golau	Sannau Chwaraeon Ysgol – Nefi gyda thop glas golau
Esgidiau Rygbi	Legins du
'Trainers' chwaraeon	'Trainers' chwaraeon
Fest athletau: gyda bandiau modfedd coch/nefi/gwyn/ nefi/gwyrdd ar draws y frest	

Trefniadau Bwyta

Chartwells (rhan o Grŵp Compass UK) sy'n rhedeg Caffeteria'r Ysgol ac fe gafodd ei adnewyddu ym mis Awst 2010 i ddarparu cyfleusterau bwyta modern ar gyfer y disgyblion. Mae'n cynnwys bar salad ac ardal caffi, yn ogystal â ffreutur sy'n cynnig ystod o brydau twym iach. Bydd y gost, gan gynnwys pwddin, tua £3.00. Gall disgyblion hefyd ddod â brechdanau o gartref.

Mae'r ffreutur hefyd ar agor yn ystod yr egwyl cyntaf pan fydd tost ac eitemau eraill ar werth.

Yr Hawl i gael Cinio Ysgol am Ddim

Os oes gan eich plentyn yr hawl i gael cinio ysgol am ddim, eich cyfrifoldeb chi yw sicrhau bod yr Ysgol yn

derbyn y dogfennau perthnasol fel bo cinio am ddim yn gallu cael ei roi iddo. I wneud cais am Ginio Ysgol am Ddim cysylltwch ag:

Swyddfa Cinio Ysgol am Ddim, Cyngor Sir Gâr, Adeilad 2, Parc Dewi Sant, Heol Fynnon Job, Caerfyrddin, SA 31 3HB. Ffôn 01267 246526 / 01267 246521.

DS. Dim ond yr ymgeiswyr hynny sy'n derbyn a) Cymhorthdal Incwm, b) Lwfans Ceisio Gwaith – yn Seiliedig ar Incwm, c) Cymorth yn unol â Rhan VI Deddf Mewnfudo a Lloches 1999, d) Yr elfen Gwarant o Gredyd Pensiwn y Wladwriaeth, e) Credyd Treth Plant, ond **NID** Credyd Treth Gwaith, f) Lwfans Cyflogaeth a Chymorth ar Sail Incwm sy'n gallu derbyn Cinio Ysgol am Ddim.



Asesiadau Athrawon Cyfnod Allweddol 3 2010

Asesiadau athro ym mhob pwnc

Canlyniadau'r Ysgol ar gyfer disgyblion 14 oed yn 2010

Pwnc		%		% Yn ennill Lefelau Arbennig								% yn ennill lefel 5 a mwy		
		N	D	1	2	3	4	5	6	7	8	Bechgyn	Merched	Pawb
Saesneg	Ysgol Cymru	0.0	0.0	0.0	0.0	2.8	26.2	40.4	27.0	3.6	0.0	60	85	71
		0.4	0.2	0.4	1.4	5.9	20.6	38.9	24.0	7.3	0.4	65	80	72
Cymraeg	Ysgol Cymru	0.0	0.0	0.0	0.0	8.0	36.0	56.0	0.0	0.0	0.0	33	77	56
		0.1		0.1	0.4	5.3	18.9	39.9	27.0	7.8	0.3	68	85	77
Mathemateg	Ysgol Cymru	0.0	0.0	0.0	0.7	2.1	20.6	46.8	23.4	6.4	0.0	69	87	77
		0.4	0.2	0.4	1.2	6.2	17.8	29.8	27.0	15.4	1.2	74	77	75
Gwyddoni-aeth	Ysgol Cymru	0.0	0.0	0.0	0.7	10.6	25.5	53.2	9.9	0.0	0.0	57	72	63
		0.5	0.2	0.3	0.6	4.5	18.0	37.1	27.8	10.5	0.1	74	80	77
Dangosydd Pwnc Craidd	Ysgol Cymru LEA											46	70	56
												59	69	64
												55	66	60

Allwedd

N Dim digon o farciau i ddyfarnu lefel
1 – 8 Lefel a ddyfarnwyd

D Eithrio

Pynciau Eraill y Cwricwlwm Cendlaethol

	Cyfanswm	
	Ysgol	Cymru
Cymraeg Ail Iaith	59.5	56.0
Iaith Dramor Fodern	63.1	63.6
Dylunio a Thechnoleg	73.1	75.4
Technoleg Gwybodaeth	85.8	77.5
Hanes	77.3	72.1
Daearyddiaeth	77.3	71.9
Celf	81.6	75.5
Cerddoriaeth	89.4	73.1
Addysg Gorfforol	70.2	71.9

Crynodeb o Gyraeddiadau Ysgol Uwchradd

Dyffryn Taf
Crynodeb o Gyraeddiadau Ysgol Uwchradd (1)

SSSP Dros Dro
Rhif ALI/Ysgol 669/4512

Disgyblion 15 oed

Nifer y disgyblion 15 oed a oedd ar y gofrestr yn Ionawr 2010 : 184

Canran y disgyblion 15 oed a:

	gofrestrodd am o leiaf un cymhwyster	enillodd drothwy Lefel 1	enillodd drothwy Lefel 2	enillodd drothwy Lefel 2 gan gynnwys TGAU mewn Saesneg neu Cymraeg iaith gyntaf a mathemateg	Dangosydd Pynciau Craidd (2)	Sgôr bwyntiau gyfartalog ehangach fesul disgybl wedi'i chapio (3)	Sgôr bwyntiau gyfartalog eang am bob disgybl
Ysgol 2009/10	98	97	66	52	49	319	378
Ardal ALI 2009/10	100	92	64	52	52	312	414
Cymru 2009/10	100	89	63	49	47	304	387
Ysgol 08/09/10	98	94	65	48	46	..	379
Ysgol 07/08/09	97	94	66	..	47	..	380

Nifer y bechgyn 15 oed a oedd ar y gofrestr yn Ionawr 2010 : 90

Canran y bechgyn 15 oed a:

	gofrestrodd am o leiaf un cymhwyster	enillodd drothwy Lefel 1	enillodd drothwy Lefel 2	enillodd drothwy Lefel 2 gan gynnwys TGAU mewn Saesneg neu Cymraeg iaith gyntaf a mathemateg	Dangosydd Pynciau Craidd (2)	Sgôr bwyntiau gyfartalog ehangach fesul disgybl wedi'i chapio (3)	Sgôr bwyntiau gyfartalog eang am bob disgybl
Ysgol 2009/10	99	97	60	52	50	308	359
Ardal ALI 2009/10	100	91	59	50	51	302	398
Cymru 2009/10	100	87	58	45	45	290	367
Ysgol 08/09/10	97	94	57	45	44	..	353
Ysgol 07/08/09	97	93	57	..	42	..	347

Nifer y merched 15 oed a oedd ar y gofrestr yn Ionawr 2010 : 94

Canran y merched 15 oed a:

	gofrestrodd am o leiaf un cymhwyster	enillodd drothwy Lefel 1	enillodd drothwy Lefel 2	enillodd drothwy Lefel 2 gan gynnwys TGAU mewn Saesneg neu Cymraeg iaith gyntaf a mathemateg	Dangosydd Pynciau Craidd (2)	Sgôr bwyntiau gyfartalog ehangach fesul disgybl wedi'i chapio (3)	Sgôr bwyntiau gyfartalog eang am bob disgybl
Ysgol 2009/10	98	97	71	52	49	329	396
Ardal ALI 2009/10	100	93	68	55	53	322	431
Cymru 2009/10	100	92	68	52	50	318	407
Ysgol 08/09/10	98	95	72	52	49	..	405
Ysgol 07/08/09	97	95	75	..	52	..	414

(1) I gael manylion ar gymhwysterau sydd wedi'u cymeradwyo, sgôr pwyntiau a chyfraniad at y throthwy, gweler y Gronfa Ddata Cymwysterau Cymeradwy Cymru (DAQW) yn <http://www.daqw.org.uk/>

(2) Mae manylion ynglŷn â pha feysydd llafur sydd ym mhob pwnc ar gael yn y nodiadau cyfarwyddyd.

(3) Cyfrifir y sgôr pwyntiau cyfartalog eang wedi'i gapio gan ddefnyddio'r 8 calnlyniad gorau.

(4) Cymhwyster Lefel Mynediad.

(5) Yn yr SSSP terfynol, byddwn yn cynnwys y canran o ddisgyblion 15 oed yn ymadael addysg llawn amswer gyda dim cymhwyster cydnabyddedig yn lle'r dangosydd hwn, yn dilyn diffiniad y Dangosydd Perfformiad Cenedlaethol EDU/002.

(6) Defnyddir ar gyfer holl dablau meincnodi prydau am ddim.

(7) Defnyddir i gyfrifo y teuluoedd ystadegol yn y Setiau Data Craidd.

.. Data ddim ar gael.

Disgyblion 15 oed

	Canran y disgyblion 15 oed a:		Canran y bechgyn 15 oed a:		Canran y merched 15 oed a:	
	enillodd un CLM (4) neu ragor yn unig	heb ennill gymhwyster cydnabyddedig (5)	enillodd un CLM (4) neu ragor yn unig	heb ennill gymhwyster cydnabyddedig (5)	enillodd un CLM (4) neu ragor yn unig	heb ennill gymhwyster cydnabyddedig (5)
Ysgol 2009/10	1	2	0	1	1	2
Ardal ALI 2009/10	0	1	0	1	1	1
Cymru 2009/10	2	2	3	2	1	2
Ysgol 08/09/10	0	..	0	..	0	..
Ysgol 07/08/09	0	..	0	..	0	..

Disgyblion 17 oed

	Nifer y disgyblion 17 oed a oedd ar y gofrestr yn Ionawr 2010: 81		Nifer y bechgyn 17 oed a oedd ar y gofrestr yn Ionawr 2010: 31		Nifer y maerched 17 oed a oedd ar y gofrestr yn Ionawr 2010: 50	
	Canran y disgyblion 17 oed a gofrestrodd am gyfaint o ddysgu yn gyfartal i 2 lefel A ac yn ennill y trothwy Lefel 3	Sgôr bwyntiau gyfartalog eang am bob disgybl 17 oed	Canran y disgyblion 17 oed a gofrestrodd am gyfaint o ddysgu yn gyfartal i 2 lefel A ac yn ennill y trothwy Lefel 3	Sgôr bwyntiau gyfartalog eang am bob disgybl 17 oed	Canran y disgyblion 17 oed a gofrestrodd am gyfaint o ddysgu yn gyfartal i 2 lefel A ac yn ennill y trothwy Lefel 3	Sgôr bwyntiau gyfartalog eang am bob disgybl 17 oed
Ysgol 2009/10	97	698	94	652	100	727
Ardal ALI 2009/10	97	759	95	706	98	800
Cymru 2009/10	95	763	93	726	96	795
Ysgol 08/09/10	99	693	98	665	100	711
Ysgol 07/08/09	..	687	..	670	..	699

(1) I gael manylion ar gymhwysterau sydd wedi'u cymeradwyo, sgôr pwyntiau a chyfraniad at y throthwy, gweler y Gronfa Ddata Cymwysterau Cymeradwy Cymru (DAQW) yn <http://www.daqw.org.uk/>

(2) Mae manylion ynglŷn â pha feysydd llafur sydd ym mhob pwnc ar gael yn y nodiadau cyfarwyddyd.

(3) Cyfrifir y sgôr pwyntiau cyfartalog eang wedi'i gapio gan ddefnyddio'r 8 calnlyniad gorau.

(4) Cymhwyster Lefel Mynediad.

(5) Yn yr SSSP terfynol, byddwn yn cynnwys y canran o ddisgyblion 15 oed yn ymadael addysg llawn amswer gyda dim cymhwyster cydnabyddedig yn lle'r dangosydd hwn, yn dilyn diffiniad y Dangosydd Perfformiad Cenedlaethol EDU/002.

(6) Defnyddir ar gyfer holl dablau meincodi prydau am ddim.

(7) Defnyddir i gyfrifo y teuluoedd ystadegol yn y Setiau Data Craidd.

.. Data ddim ar gael.

Cyrchfannau Disgyblion 2009 – 2010

	Oed		
	16	17	18
Parhau llawn amser yn yr ysgol	96	76	2
Addysg Uwch/Coleg	80	30	77
Cyflogaeth/Prentisiaeth	5	1	0
Eraill	1	2	4
Cyfanswm	182	109	83



Blwyddyn Ysgol	% Cyfanswm Absenoldeb	% Heb Awdurdod	% Presenoldeb
2005-06	9.4	0.3	90.3
2006-07	8.1	0.2	91.7
2007-08	8.4	0.2	91.4
2008-09	8.5	0.3	91.2
2009-10	8.9	0.2	91.0

Oed	% Yn Bresennol			Gydag Awdurdod			Heb Awdurdod		
	M	F	T	M	F	T	M	F	T
15	91.7	88.7	90.2	8.3	10.9	9.6	0.0	0.4	0.2
14	90.6	89.0	89.9	9.3	11.0	10.1	0.0	0.1	0.0
13	90.9	90.9	90.9	8.9	8.8	8.9	0.2	0.2	0.2
12	90.7	90.0	90.4	8.8	9.8	9.3	0.5	0.1	0.3
11	92.0	93.1	92.5	7.7	6.9	7.3	0.2	0.0	0.1
Pob oed	91.1	90.2	90.7	8.7	9.6	9.1	0.2	0.2	0.2

